



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

XXXVII. Indulgentia plen. perp pro Ecclesiis Ord. S. Birgittæ in ejus Festo.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

tutionibus, & Ordinationibus Apostolicis, necnon prædictorum Ordinis, & Provinciæ Chilen, etiam juramento, confirmatione Apostolica, aut quavis firmitate alia roboratis, statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum tam in iudicio, quam extra illud habeatur, quæ ipsis præsentibus haberetur, si forent exhibitæ, vel ostensa.

Datum Romæ apud S. Mariam Majorem sub annulo Piscatoris die VII. Augusti MDCCXXIII. Pontificatus nostri Anno Tertio.

XXXVII.

Conceditur Indulgentia plen. perp. pro Ecclesiæ Ordinis S. Brigittæ in ejus Festo die.

Clem. XI. Const. ed. 1714., Sep. 22., P. 14. extat alia Indulgentia.

Dat. 13. Aug. 1723. An. 3.

INNOGENTIUS PAPA XIII.

Ad perpetuam rei memoriam.

Procerium.

Injunctæ Nobis divinitus Apostolicæ servitutis ratio postulat, ut cælestium munerum Thesauros dispensationi nostræ a Domino creditos feliter erogemus, cum id ad augendam in terris Sanctorum in cælis cum Christo regnantium venerationem, excitandamque, & fovendam erga illos fidelium devotionem, ac ad animarum salutem speramus in Domino profuturum.

Preces Procuratoris Gener.

§. 1. Supplicationibus itaque dilecti filii Procuratoris Generalis Ordinis S. Brigittæ nomine nobis super hoc humiliter porrectis inclinatis, ac de Omnipotentis Dei Misericordia, ac Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christi fidelibus vere poenitentibus, & confessis, ac sacra communione refectis, qui aliquam ex Ecclesiis quorumcumque Conventuum dicti Ordinis tam hætenus erectis, quam in posterum quandocumque erigen., ac ubicumque locorum existentibus Die festo ejusdem Sanctæ Brigittæ prædicti Ordinis fundatricis a primis vespers usque ad occasum solis diei hujusmodi annis singulis devote viderint, & ibi pro Christianorum Principum concordia, hæresum extirpatione, ac S. Matris Ecclesiæ exaltatione pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus, præsentibus perpetuis futuris temporibus valituris.

Clausulæ.

§. 2. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus haberetur, si forent exhibitæ vel ostensa.

Datum Romæ apud S. Mariam Majorem sub Annulo Piscatoris die XIII. Augusti MDCCXXIII. Pontificatus nostri Anno Tertio.

Moderatur pro Eremitis S. Augustini Discalceatis Constitutio Clem. XI. de voto Fratrum Consanguineorum in primo, vel secundo gradu in Capitulis.

Laudata Clem. XI. Constitutio edita fuit 1702. Novemb. 24. P. 2. Bened. XIII. Const. ed. 1727. Feb. 27. P. 2. extenditur alternativa in Congregatione SS. Conceptionis B. M.

INNOGENTIUS PAPA XIII.

Ad futuram rei memoriam.

Alias pro parte dilecti filii Clementis a S. Bernardino tunc temporis Conventus Jesu, & Mariæ de Urbe Congregationis Fratrum Ordinis Eremitarum S. Augustini Discalceatorum nuncupatorum se, re. Clementi PP. XI. Prædecessori nostro exposito, quod dudum nempe die 16. Februarii 1596. quoddam decretum a q. Andrea Fivizano, dum viveret Priore Generali dicti Ordinis inter alia emanaverat & subinde die 28. ejusdem mensis a re. me. Clemente PP. VIII. Prædecessore pariter nostro per quædam suas in simili forma Brevis literas, quarum initium est; *Universalis Ecclesiæ &c.* confirmatum fuerat, quo prohibebatur expresse, ne duo Fratres Ordinis prædicti in primo, vel secundo gradu consanguinei, vel affines in ejusdem Capitulis, aut Congregationibus Capitularibus ulatenus simul convenirent, & votare possent, & in eadem expositione subjuncto, quod sæpius dubitatum fuisset, an dictum Decretum Congregationem præfatam, quæ tunc initium sumpserrat, & postmodum a similis me. Urbano VIII. & Clemente X. Romanis Pontificibus Prædecessoribus itidem nostris membrum dicti Ordinis declarata fuerat, ac in Italia, & Germania propugnata reperiebatur, sub prohibitionis hujusmodi generalitate complecteretur, nec istius dubii resolutio ab hac S. Sede eatenus petita fuisset, licet illa sive pro liberandis ab anxietate Religiosorum conscientis, sive pro tollendis abusibus facile irrepentibus necessaria foret; Eadem vero causæ propter quas prohibitio præfata in d. Ordine edita fuerat, concurrere viderentur, ut illa ad dictam Congregationem extenderentur. Idem Clemens Prædecessor supplicationibus supradicti Clementis a Sancto Bernardino sibi super hoc humiliter porrectis inclinatus memoratam Congregationem sub prohibitione præfata in futurum comprehendi debere auctoritate Apostolica declaravit, & alias, prout in ipsius Clementis Prædecessoris literis desuper in pari forma Brevis die 24. Novembris 1702. expeditis, quarum tenorem præsentibus pro plene, & sufficienter expresso, & ad verbum inserto haberi volumus, uberius continetur.

§. 1. Cum autem sicut dilectus filius Guglielmus a Sancto Nicolao Procurator Generalis ejusdem Congregationis Nobis nuper exponi fecit, antequam ejusmodi declaratio emanaret, mos in dicta Congregatione ab ipsius origine invaluisse, ac supra centum annos inconcussè servatus fuisset, ut fratres Consanguinei, seu Affines in primo, vel secundo gradu præfato in illius Capitulis, seu Congregationibus Capitularibus absque ulla dubitatione simul convenirent, & ad votum ferendum admitterentur, neque rationes, ob quas id veritum fuerat in Ordine prædicto, in quo ejus fratres firmas, & stabiles filiationes, sive Conventualitates habent locum sibi vindicent in Congregatione præfata, ubi ejusmodi adfiliationum, sive Conventualitatum usus minime viger, sed Religiosi in Conventibus sibi per Superiores suos Regulares pro tempore af-

XXXVIII.

Dat. 20. Sept. 1723. An. 3.

Epitome Constitucionis Clementis XI. qua declaratum fuit, Discalceatos comprehendendi in Decreto de voto consanguineorum edito a Priore Gen., & confirmato a Clem. VIII.

Preces Prioris Generalis pro moderatone declarationis Clem. XI. tanquam subreptitio impetratæ.

signandis